

სსიპ „სამედიცინო საქმიანობის სახელმწიფო რეგულირების სააგენტო“



სააგენტოს ბალანსზე რიცხული ავტომატური რეცხვის მომსახურების
სახელმწიფო შესყიდვის გამარტივებული ელექტრონული ტენდერის
სატენდერო დოკუმენტაცია
(CPV 50100000)

2016 წლის სახელმწიფო ბიუჯეტით გათვალისწინებული ასიგნებების
ფარგლებში

წინამდებარე სატენდერო დოკუმენტაცია შედგენილია „სახელმწიფო
შესყიდვის შესახებ“ საქართველოს კანონისა და სახელმწიფო შესყიდვების
სააგენტოს თავმჯდომარის 2011 წლის 7 აპრილის №9 ბრძანებით
დამტკიცებული „გამარტივებული შესყიდვის, გამარტივებული
ელექტრონული ტენდერისა და ელექტრონული ტენდერის ჩატარების წესის“
საფუძველზე.

2015 წ
ქ. თბილისი

1. ტექნიკური დავალება

1.1 შესყიდვის ობიექტი:

№	შესყიდვის ობიექტის აღწერილობა	ჯერადობა	მომსახურების გაწევის ადგილი
1.	მსუბუქი ავტომანქანების სალონის, ძარისა და საბარგულის რეცხვა-დასუფთავება	336	ქვეყნის მასშტაბით, მიმწოდებლის ექსპლუატაციაში არსებულ ავტოსამრეცხაოებში.
2.	„ჯიპის“ სალონის, ძარისა და საბარგულის რეცხვა-დასუფთავება	72	ქვეყნის მასშტაბით, მიმწოდებლის ექსპლუატაციაში არსებულ ავტოსამრეცხაოებში.

1.2. მომსახურების გაწევის პირობები:

1.2.1. რეცხვითი მომსახურების მოწოდება განხორციელდება, გასაწევი მომსახურების ჯერადობის შესაბამისი რაოდენობის, მიმწოდებლის მიერ დამზადებული ტალონების გამოყენებით.

1.2.2. მომსახურების გაწევისას მიმწოდებელმა უნდა გამოიყენოს მაღალი ხარისხის სარეცხი და საწმენდი სპეციალური საშუალებები (ქაფი, გელი, სპეციალური სითხეები, შუშების და საბურავის საწმენდი საშუალებები და სხვა) და ტექნიკური მოწყობილობები.

1.2.3. მიმწოდებელს ექსპლუატაციაში უნდა გააჩნდეს არანაკლებ 5 (ხუთი) ერთეული ავტოსამრეცხაო ბოქსი საქართველოს რეგიონებში და არანაკლებ 10 (ათი) ავტოსამრეცხაო ქ. თბილისში, მათგან არანაკლებ 2 (არსებობის შემთხვევაში) უნდა იყოს სადღეღამისო მომსახურების, ასევე, არანაკლებ 5 უნდა მდებარეობდეს შემსყიდველი ორგანიზაციის მისამართიდან (ქ. თბილისი, წერეთლის გამზ N144) 5 კმ-ის რადიუსში. თითოეულ მისამართზე მდებარე ავტოსამრეცხაოს უნდა გააჩნდეს სათანადოდ აღჭურვილი არანაკლებ 2 ბოქსი, რათა უზრუნველყოფილი იქნას ოპერატიული და რიგგარეშე (მომსახურების საჭიროების შესახებ, შემსყიდველის წინასწარი შეტყობინების შემთხვევაში) მომსახურება. თითოეული ავტოსამრეცხაო უნდა იყოს ადვილად მისადგომი, მისასვლელი გზა – კეთილმოწყობილი (ხარვეზების გარეშე მოასფალტებული ან სხვა შესაბამისი მასალით მოპირკეთებული), საჭიროების შემთხვევაში, შემსყიდველის მოთხოვნის საფუძველზე, მიმწოდებელმა უნდა უზრუნველყოს მის სარგებლობაში არსებული ავტოსამრეცხაოს მდებარეობის მიმანიშნებელი აზრის განთავსება თვალსაჩინო ადგილზე.

1.2.4. მიმწოდებელს უნდა გააჩნდეს ანალოგიური მომსახურების გაწევის არანაკლებ 3 წლის გამოცდილება.

1.3. მომსახურების გაწევის ვადები: მიმწოდებელმა უნდა უზრუნველყოს ტალონების მოწოდება ერთჯერადად ან ეტაპობრივად, შემსყიდველის მოთხოვნისამებრ, მოთხოვნიდან არაუგვიანეს 2 (ორი) სამუშაო დღეში, 2016 წლის 31 დეკემბრის ჩათვლით. ხოლო რეცხვითი მომსახურების მიწოდება უნდა განხორციელდეს ავტოსამრეცხაო ბოქსზე შემსყიდველის მიერ ტალონის წარდგენისთანავე.

1.4. მომსახურების გაწევის ადგილი – მომსახურება განხორციელდება მთელი ქვეყნის მასშტაბით, მიმწოდებლის ქსელში არსებულ ავტოსამრეცხაოებში.

1.5. ანგარიშსწორების პირობები – უნაღდო ანგარიშსწორება ლარებში, ერთჯერადად ან ეტაპობრივად, ფაქტიურად მოწოდებული რეცხვის ტალონების ღირებულების მიხედვით, მხარეებს შორის მიღება-ჩაბარების აქტის გაფორმებიდან 25 საბანკო დღის განმავლობაში. წინასწარი ანგარიშსწორება არ იწარმოება.

1.6. სატენდერო წინადადება და თანმხლები დოკუმენტაცია შედგენილი უნდა იქნეს ქართულ ენაზე.

1.7. პრეტენდენტის მიერ, სისტემაში ასატვირთი სატენდერო წინადადება უნდა შეიცავდეს შემდეგ დოკუმენტებსა და ინფორმაციას:

ა) პრეტენდენტის რეკვიზიტები, სატენდერო წინადადების მოქმედების ვადა და ანგარიშსწორების პირობები სატენდერო დოკუმენტაციის დანართი №1-ის მიხედვით.

ბ) ფასების ცხრილი სატენდერო დოკუმენტაციის დანართი №2-ის მიხედვით.

გ) ინფორმაცია მომსახურების გაწევისას მიმწოდებლის მიერ გამოსაყენებელი სარეცხი და საწმენდი სპეციალური საშუალებებისა (ქაფი, გელი, სპეციალური სითხეები, შუშების და საბურავის საწმენდი საშუალებები და სხვა) და ტექნიკური მოწყობილობების შესახებ, ტექნიკური დავალების 1.2.2. პუნქტის მოთხოვნების გათვალისწინებით.

დ) ინფორმაცია ქვეყნის მასშტაბით მიმწოდებლის ექსპლუატაციაში არსებული ავტოსამრეცხაო ბოქსების შესახებ, მისამართების მითითებით, ტექნიკური დავალების 1.2.3. პუნქტის მოთხოვნების გათვალისწინებით.

ე) ინფორმაცია ანალოგიური მომსახურების გაწევის არანაკლებ 3 წლიანი გამოცდილების შესახებ (მომსახურების გაწევის წლების, შემსყიდველი ორგანიზაციის დასახელებისა და სახელშეკრულებო თანხების მითითებით).

- იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, შემსყიდველი ორგანიზაცია პრეტენდენტისაგან მოითხოვს ფასწარმოქმნის ადეკვატურობის დასაბუთებას, რაზეც პრეტენდენტი ვალდებული იქნება წარმოადგინოს სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტებული პირის მიერ გაცემული ექსპერტის შესაბამისი დასკვნა, არაუგვიანეს 10 სამუშაო დღისა. იმ შემთხვევაში, თუ დასკვნის გამცემი ორგანო არ იქნება სსიპ - ლევან სამხარაულის სახელობის სასამართლო ექსპერტიზის ეროვნული ბიურო, პრეტენდენტმა დამატებით უნდა წარმოადგინოს ექსპერტიზის განმარტებული ორგანოს/პირის შესაბამისი აკრედიტაციის სერთიფიკატი და აკრედიტაციის სფერო, რომელიც უნდა ფარავდეს მოთხოვნილ მომსახურებას,
- ამასთან, ფასწარმოქმნის ადეკვატურობის დასაბუთების (ექსპერტიზის დასკვნის) წარმოდგენილობა გამოიწვევს შესაბამისი პრეტენდენტის დისკვალიფიკაციას. ფასწარმოქმნის ადეკვატურობის დასაბუთებაზე ვრცელდება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-12 მუხლის მე-11 მე-14 პუნქტებით განსაზღვრული წესები.

სახელმწიფო შესყიდვების შესახებ ხელშეკრულების პროექტი
ხელშეკრულება N

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

სახელმწიფო შესყიდვის შესახებ ხელშეკრულების პროექტი

ქ. თბილისი

„___“ „_____“ 2015 წ.

1. ხელშეკრულების დამდები მხარეები

ერთი მხრივ, სსიპ-„სამედიცინო საქმიანობის სახელმწიფო რეგულირების სააგენტო“, შემდგომში „შემსყიდველი“, უფროსის გია თვალავაძის სახით და, მეორეს მხრივ _____, შემდგომში „მიმწოდებელი“, _____ სახით, ვმოქმედებთ რა საქართველოში მოქმედი კანონმდებლობით, ვდებთ წინამდებარე ხელშეკრულებას შემდეგზე:

2. ხელშეკრულების საგანი და ღირებულება

შემსყიდველმა განახორციელა გამარტივებული ელექტრონული ტენდერი (SPA000000000), სახელმწიფო ბიუჯეტიდან სსიპ „სამედიცინო საქმიანობის სახელმწიფო რეგულირების სააგენტოსთვის“ გამოყოფილი 2016 წლის ასიგნებების ფარგლებში, სამსახურის კუთვნილი ავტომანქანების რეცხვის მომსახურების შესყიდვაზე (CPV 50112300) და მიმწოდებელმა აიღო ვალდებულება გაუწიოს შემსყიდველს ზემოაღნიშნული მომსახურება _____ (თანხა სიტყვიერად _____) ლარად (შემდგომში „ხელშეკრულების ღირებულება“).

3. შესყიდვის ობიექტის მახასიათებლები

გასაწევი მომსახურების აღწერილობა	ჯერადობა	ერთეულის ფასი (ლარი)	საერთო ღირებულება (ლარი)
მსუბუქი ავტომანქანის სალონის, ძარისა და საბარგულის რეცხვა – დასუფთავება (სტანდარტული)	336		
„ჯიპის“ სალონის, ძარისა და საბარგულის რეცხვა – დასუფთავება (სტანდარტული)	72		
სულ ღირებულება			

4. მომსახურების გაწევის პირობები

4.1. მომსახურების გაწევა იწარმოებს მიმწოდებლის მიერ დამზადებული რეცხვის ტალონების საშუალებით.

4.2. რეცხვის ტალონების შემსყიდველისათვის გადაცემა განხორციელდება ერთჯერადად ან ეტაპობრივად, შემსყიდველის მოთხოვნის შესაბამისად. მოთხოვნიდან არაუგვიანეს 2 (ორი) სამუშაო დღეში, რაზედაც მხარეთა შორის ფორმდება შესაბამისი მიღება-ჩაბარების აქტი (დანართი N1). მიღება-ჩაბარების აქტში აღინიშნება შეძენილი რეცხვის ტალონების სახეობა, რაოდენობა, ღირებულება და სხვა პარამეტრები. წინამდებარე ხელშეკრულების ინტერესებიდან გამომდინარე, ავტომანქანის რეცხვის ტალონი – ეს არის მიმწოდებლის მიერ დაბეჭდილი ბარათი, რომელიც განკუთვნილია შემსყიდველისათვის და ადასტურებს მის უფლებას შესაბამის ავტოსამრეცხაოში მიიღოს ავტომანქანის რეცხვის მომსახურება.

4.3. ტალონების გადაცემის შემდეგ მათი დაკარგვის, დაზიანების ან განადგურების რისკი ეკისრება „შემსყიდველს“. ამასთან უკვე გაცემული ტალონები არ ექვემდებარება დაბრუნებას ან სხვა სახეობის მომსახურების ტალონებზე გადაცვლას. ყოველ ტალონზე აღნიშნული უნდა იყოს:

- ტალონის ნომერი;
- მიმწოდებლის დასახელება;
- ტალონის (მომსახურების) სახეობა;

4.4. შემსყიდველისათვის გადაცემული ტალონების გამოყენება შესაძლებელი იქნება მიღება-ჩაბარების აქტის გაფორმების შემდეგ.

4.5. მომსახურების გაწევა იწარმოებს „შემსყიდველის“ მიერ დამოწმებული ტალონის ავტოსამრეცხაო ბოქსზე წარმოდგენისთანავე, ნებისმიერ მის წარმომდგენ პირობებზე. ტალონების განაღდება არ დაიშვება. დაუმოწმებელი ტალონების წარდგენის შემთხვევაში მომსახურება არ განხორციელდება. შემსყიდველის წარმომადგენელი უფლებამოსილია დაესწროს მიმწოდებლის მიერ შესაბამისი ავტომატის რეცხვის პროცესს.

4.6. მომსახურების გაწევა (ავტომატის რეცხვა) განხორციელდება საქართველოს მასშტაბით, მიმწოდებლის ექსპლუატაციაში არსებულ ავტოსამრეცხაოებში.

4.7. მომსახურების გაწევა იწარმოებს მაღალი ხარისხის სარეცხი და საწმენდი სპეციალური საშუალებებისა (ქაფი, გელი, სპეციალური სითხეები, საბურავის საწმენდი საშუალებები და სხვა) და ტექნიკური მოწყობილობების გამოყენებით, წინამდებარე ხელშეკრულების დანართი N——ის შესაბამისად, რომელიც წარმოადგენს ხელშეკრულების განუყოფელ ნაწილს.

5. შესყიდვის ობიექტის მიღება-ჩაბარების წესი

შესყიდვის ობიექტის მიღება-ჩაბარება განხორციელდება ერთჯერადად ან ეტაპობრივად, ფაქტიურად მიწოდებული ტალონების შესაბამისად, წინამდებარე ხელშეკრულების მე-14 პუნქტით განსაზღვრული ხელშეკრულების შესრულების კონტროლის განმახორციელებელი კოორდინატორის მიერ მომზადებული ინსპექტირების დასკვნის საფუძველზე სამ ეგზემპლარად გაფორმებული მიღება-ჩაბარების აქტით (დანართი N1).

6. ანგარიშსწორება

6.1. ანგარიშსწორების ფორმა – უნაღდო ანგარიშსწორება ლარებში.

6.2. ანგარიშსწორება იწარმოებს ერთჯერადად ან ეტაპობრივად, ფაქტიურად მიწოდებული რეცხვის ტალონების ღირებულების მიხედვით, მხარეებს შორის გაფორმებული მიღება-ჩაბარების აქტის და მიმწოდებლის მიერ წარმოდგენილი ფინანსური დოკუმენტების (სასაქონლო ზედნადები, ანგარიშ-ფაქტურა) საფუძველზე, მიღება-ჩაბარების აქტის გაფორმებიდან არაუგვიანეს 25 (ოცდახუთი) საბანკო დღის განმავლობაში;

7. მხარეთა ვალდებულებები

7.1. „მიმწოდებელი“ ვალდებულია:

7.1.1. უზრუნველყოს მაღალხარისხიანი მომსახურების გაწევა ხელშეკრულების პირობების შესაბამისად.

7.1.2. მომსახურების გაწევის დროს მიმწოდებლის ბრალეულობით შემსყიდველის ავტომობილზე მიყენებული ნებისმიერი ზიანის, ასევე ინსპექტირების შედეგად გამოვლენილი დეფექტის ან ნაკლის აღმოფხვრა უზრუნველყოს საკუთარი სახსრებით.

7.2. „შემსყიდველი“ ვალდებულია:

7.2.1. მოახდინოს ანგარიშსწორება მიმწოდებელთან ხელშეკრულების პირობების შესაბამისად;

7.2.2. წერილობითი ფორმით, გონივრულ ვადებში აცნობოს მიმწოდებელს მომსახურების გაწევის დროს აღმოჩენილი წუნის შესახებ, წუნდების მიზეზების მითითებით.

8. მხარეთა უფლებები

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს:

8.2.1. აწარმოოს გაწეული მომსახურების ხარისხისა და მოცულობის კონტროლი ხელშეკრულების მიმდინარეობის ნებისმიერ ეტაპზე.

9. ფორს-მაჟორი

9.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

9.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით

პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოიყენოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

10. ხელშეკრულების პირობების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით ხელშეკრულების დამატებითი შეთანხმების სახით, რომელიც ჩაითვლება ხელშეკრულების განუყოფელ ნაწილად.

10.3. ნებისმიერ ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, ამავდროულად, ასეთ შემთხვევებში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

11.2. თუ ასეთი მოლაპარაკების დაწყებიდან 10 (ათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს შესაბამის სასამართლოს.

12. ხელშეკრულების შეწყვეტა

12.1. ხელშეკრულების შეწყვეტის საფუძველია:

12.1.1. მხარეთა ურთიერთშეთანხმება.

12.1.2. წინამდებარე ხელშეკრულების 15.2. პუნქტით დადგენილი ვადის გასვლა.

12.1.3. საქართველოს კანონმდებლობით გათვალისწინებული სხვა შემთხვევები.

12.2. თუ მხარე ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია შეწყვიტოს წინამდებარე ხელშეკრულების მოქმედება ცალმხრივად, აღნიშნულის შესახებ ხელშეკრულების პირობების დამრღვევი მხარისთვის წინასწარი წერილობითი შეტყობინების საფუძველზე.

13. ხელშეკრულების პირობების შეუსრულებლობა

13.1. ხელშეკრულებით ნაკისრი ვალდებულებების არაჯეროვანი შესრულების ან/და შესრულების ვადების გადაცდენის შემთხვევაში, შემსყიდველი უფლებამოსილია დააკისროს მიმწოდებელს პირგასამტეხლო ხელშეკრულების ღირებულების 0.1%-ის ოდენობით, ყოველ ვადაგადაცილებულ დღეზე გადაანგარიშებით.

13.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

13.3. ხელშეკრულების 6.2 პუნქტით დადგენილი გადახდის ვადის გადაცდენის შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო გადაუხდელი თანხის 0.1%-ის ოდენობით, ყოველ ვადაგადაცილებულ დღეზე გადაანგარიშებით.

13.4. იმ შემთხვევაში, თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 1%-ს, მხარეებს უფლება აქვთ შეწყვიტონ ხელშეკრულება.

14. ინსპექტირების პირობები

ხელშეკრულების შესრულების კონტროლს განახორციელებს ხელშეკრულების შესრულების კონტროლის განმახორციელებელი კოორდინატორი – სსიპ „სამედიცინო საქმიანობის სახელმწიფო რეგულირების სააგენტოს“ ადმინისტრაციული დეპარტამენტის მატერიალური უზრუნველყოფის სამმართველოს უფროსი თენგიზ მშვიდლობაძე.

15. ხელშეკრულების მოქმედების ვადა

15.1. წინამდებარე ხელშეკრულება ძალაში შედის მხარეთა მიერ ხელმოწერისთანავე.

15.2. ხელშეკრულების მოქმედების ვადა განისაზღვრება 2017 წლის 31 იანვრის ჩათვლით.

16. განსაკუთრებული პირობები

- 16.1. მხარეები აუნაზღაურებენ ერთმანეთს მიყენებულ ზიანს საქართველოს კანონმდებლობის შესაბამისად.
- 16.2. ამ ხელშეკრულების მიზნებისთვის, არც ერთ მხარეს არა აქვს უფლება გადასცეს მესამე პირს თავისი უფლება–მოვალეობები, მეორე მხარის წერილობითი თანხმობის გარეშე.
- 16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.
- 16.4. ხელშეკრულება შედგენილია ქართულ ენაზე, 2 ეგზემპლარად (---- გვერდზე) და თითოეულ მათგანს თანაბარი იურიდიული ძალა აქვს.
- 16.5. ხელშეკრულების ერთი ეგზემპლარი ინახება - „მომწოდებელთან“, ხოლო ერთი - „შემსყიდველთან“

შემსყიდველი

მომწოდებელი

3. დამატებითი ინფორმაცია

სატენდერო დოკუმენტაციის შესახებ დამატებითი ინფორმაციის მიღება დაინტერესებულ პირებს შეუძლიათ ერთიანი ელექტრონული სისტემის შესაბამისი მოდულის გამოყენებით, და სატენდერო კომისიაში მისამართზე: თბილისი, წერეთლის გამზ. №144, სსიპ სამედიცინო საქმიანობის სახელმწიფო რეგულირების სააგენტო, მე-12 სართული, მატერიალური უზრუნველყოფის სამმართველო. ტელ: 2725401; 599877577

საკონტაქტო პირი: თენგიზ მშვიდლობაძე

1. რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის/ან უფლებამოსილი პირის სახელი და გვარი: _____

პრეტენდენტის იურიდიული ან/და ფაქტიური მისამართი: _____

პრეტენდენტის ტელეფონის ნომერი: _____

საიდენტიფიკაციო კოდი: _____

ბანკი და ბანკის კოდი: _____

ანგარიშსწორების ანგარიში: _____

2. **ანგარიშსწორების პირობები:** ანგარიშსწორება განხორციელდება უნაღდო ანგარიშსწორებით ლარებში, ერთჯერადად ან ეტაპობრივად, ფაქტიურად მოწოდებული რეცხვის ტალონების ღირებულების მიხედვით, მხარეებს შორის მიღება-ჩაბარების აქტის გაფორმებიდან — — საბანკო დღის განმავლობაში.

3. პრეტენდენტის სატენდერო წინადადება ძალაშია სახელმწიფო შესყიდვების ერთიან ელექტრონულ სისტემაში წინადადებების მიღების დაწყების თარიღიდან „სახელმწიფო შესყიდვის ელექტრონული საშუალებით განხორციელების შესახებ დროებითი წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.

4. წინამდებარე დოკუმენტზე ხელისმოწერით პრეტენდენტი ეთანხმება სატენდერო დოკუმენტაციის ყველა იმ მოთხოვნას, რომელთა შესახებ ინფორმაციის წარმოდგენა ან/და სახელმწიფო შესყიდვების ერთიან ელექტრონულ სისტემაში ატვირთვა არ არის სავალდებულო.

ხელის მოწერა და ბეჭედი _____

(მიმწოდებლის უფლებამოსილი პირის სახელი, გვარი)

დანართი №2

ფასების ცხრილი

პრეტენდენტის დასახელება _____

გასაწევი მომსახურების აღწერილობა	ჯერადობა	ტალონების მოწოდებისა და მომსახურების გაწევის ვადები	მომსახურების გაწევის ადგილი	ერთეულის ფასი (ლარი)	სულ ჯამი (ლარი)
მსუბუქი ავტომანქანების სალონის, ძარისა და საბარგულის რეცხვა-დასუფთავება	336				
„ჯიპის“ და მიკროავტობუსის სალონის, ძარისა და საბარგულის რეცხვა-დასუფთავება	72				
სულ თანხა:					

შენიშვნა: შესყიდვის ობიექტის ერთეულის და საერთო ფასი უნდა შეიცავდეს შესყიდვის ობიექტის მოწოდებასთან დაკავშირებულ, საქართველოს კანონმდებლობით გათვალისწინებულ ყველა სახის გადასახადს.

პრეტენდენტის ხელმოწერა და ბეჭედი _____

